

**■ TRIBUNA POLITICA**

# Giudiment da las muntognas sco vaira schanza per il Grischun

DA JON DOMENIC PAROLINI,  
CUSSEGLIER GUVERNATIV

**G**razia a l'aura da l'october passà cun pressius autas stabilas hanblers giasts da vacanzas, bleras possessuras e blers possessurs da secundas abitaziuns, ma er Grischunas e Grischuns dastgà passentar bellezza dis d'atun en noss chantun. Tar mintga aventura durabla tutgan – ultra da cuntradas natiralas fascinantas – er sensaziuns gastronomicas. Betg mo l'amur, mabain er in segurn gartegià en il Grischun va tras il magun.

**Q**uests dis ha lieu a Cui-ra la nova fiera d'atun **GUARDA!**, nua che tut è deditgà a la regionalità ed al giudiment. Ina visita vala la paina. La diversità dals products exponids è impressiunanta. A differents stans pon vegnir degustadas delicatessas dal Grischun. Zunt preschenta è er l'organisaziun alpinavera, che metta en scena products regiunals certifitgads. Il sigil da qualità «ein Stück graubünden / regio.garantie» renda attent a la qualità regiunala da products.

**L**'ospitalità sco er la producziun e l'utilisaziun da products regiunals è ina caratteristica da qualità e da differenziaziun impurtanta da regiuns muntagnardas e turisticas prosperaivlas. Al Grischun



sa porscha qua ina vaira schanza, pertge ch'il Grischun ha – en bunamain tut ils secturs da la producziun e da l'elavuraziun agricula, da l'ierta culinaria e da la gastronomia regiunala – in potenzial extraordinari. Lain trair a niz pli savens quest potenzial e stgaffir plivalurs tras products regiunals e culinarics.

**P**roducts regiunals èn bler dapli che la vendita da products agriculs en negoziis da bains purils u a stans da fiera. In potenzial considerabel ves jau en l'inscenzaziun sistematica da products regiunals e culinarics. Il martgà da giudiment dal cuschinier da stailas Andreas Caminada a Farschno è in exempel excellent per quai. Ed i dat anc auters exempels, sco il «Gourmet Festival» a San Murezzan, che intgantescha dapi l'onn 1994 onn per onn amaturas ed amatur dal gourmet ubain l'avertura d'ina butia da la

firma Hatecke da Scuol en in lieu central al Löwenplatz a Turitg.

**S**ch'er la gastronomia e l'hotellaria grischuna dovran pli savens sapientivamain products regiunals, preparan spaisas tradiziunals, servan spezialitads u creschan novs recepts, promovon l'innovaziun en la gastronomia e sensibiliseschan la conscienza davart l'impurtanza da ciclus economicus en connex cun la regionalità, perquai ch'il giast tschertga e stima quai, lura poi gartegiar ch'il Grischun daventa puspè pli savens la destinaziun da giasts interessads e spendabels. La prontad da pajar per products regiunals genuins d'alta qualità è cumprovadamain gronda.

**L**'uniun graubünden **VI**VA persequitescha la finamira da posizionar il Grischun sco center da la cultura alpina da giudiment cun attracziun naziunala ed internaziunala. Uschia duai avair lieu ils onns 2019 e 2020 ina festa dals senns da plirs mais en tut las regiuns ed en tut las destinaziuns turisticas dal chantun. Sche las producentas ed ils producentes, las differentas organisaziuns e federaziuns sco er ils partenaris economicus e logistics s'uneschan, sun jau persvadi ch'igl è pussaivel da nizzegiar ina vaira schanza per plivalurs turisticas.